

**Cohamacu jipihtiare bajuamehneha
(Génesis 1-2)**

Wahmanopure Cohamacu muanore ahri yahpa cūhure bajuamehne mūhtaa tiha. Ā jiro nahitiano jisinia timaha. To ā jichu ñuno, "Buhriaro jijaro," niha tiro. To ā nichuta buhriaro wahaha. Buhriarore, nahitianore cūno dacho macai cūha. Tiro buhriarore dacho wamoaha. Nahitianore ñami wamoaha.

Ā yoa cū dacho baharo Cohamacu yahpa macaa core buiri dojochu yoaha. Me curuari wahaha ti. To ā cūchu mūano bajuaha.

Jipihtiro yahpapure dia wuru dihta jisnimaha. To ā jichu ñuno pua dacho baharo Cohamacu dia wurure dacho macai dihta wahachu yoaha. Ā yoa tuhsu dihtare yahpa wamoaha. Core pjiri ma wamoaha.

Ā jiro to yoaare ñuno, ō sehe niha: "Yahpapure tja, toaa yucu, dicha tihti cjihti dujaro," niha tiro. To ā nichu tja duha. Ā jia toaa yucu cūhu duha. To bajuamehnerire to ñuchu noa yuhdua jiha.

Tia dacho baharo Cohamacu ñahpichōha pocare, sū ñami macarimore, sū dacho

macarirore bajuamehneha. To
bajuamehnerire to ñuchũ noa yũhdũa jiha.

Pititia dachori baharo Cohamacũ dia
macainare, wũina cũhũre bajuamehneha. ã
jiro to bajuamehnerinare "Noano jia," ni,
cũha. "Dia pjiri mapũ cũhũre, mǎripũ
cũhũre, yahpapũ cũhũre payũ masaputiga,"
ni, cũha.

Cũ wamomaca pihtia dachori baharo
Cohamacũ wahiquinare yahpa macainare
bajuamehneha. Tire noano bajuamehne
pahñonoca, mũnore yoa mũhtaha. Yoa tuhsũ
tirore Adão wamoaha. Baharo numinore
yoaha. ã jiro tinare "Noano jia mũsa," ni
cũha. "Payũ pohna ti masaputiga," ni
cũha.

Seis dachori baharo Cohamacũ to
dahraa pihtichũ ñũno, soha. ã jiro ti
dachore sori nũmũ cũha.

ã yoa mũnore to yoa mũhtarirore
numino cũhũre wesepũ Paraíso wama tiropũ
cũha Cohamacũ. ã cũ tuhsũ õ sehe ni cũha
mũnore. "Jipihtia toaa dichare chũ masina
mũsa. Cũdũ dichare chũena tjia. Tũ

macaare chuna yarianahca," niha Cohamacu.

**Masa ñaina, yuhdurucaina waha ducaha
(Génesis 3.1-21)**

Ti papure pinono noano masiro jiha.
Tiro paina wahiquina yuhdoro masiro
jiha. Ñ jiro numinore sinitu ñuha.

—¿Ne, dohse niri Cohamacu?
¿"Jipihtia yucu dichare chüena tjiga,"
niri? ni sinitu ñuha pinono.

To ã nichu tuhoro numino yuhtiha
tirore.

—Jipihtia yucu dichare chu masija.
Cüdüreta chu masieraja sã. "Cüdü macaare
chüena tjiga müsa. Tu dichare chuna,
yariaa wahanahca," ni yahure sãre
Cohamacu, ni yuhtiha ticoro. To ã nichu
tuhoro õ sehe niha tiro.

—Yariasi müsa. Tu macaare chuna,
Cohamacu yoaro sehetã noano masiina
tjuanahca müsa, niha pinono.

To ã nichu tuhoro tu dichare tuaro
chu duaro, noano masiricoro ji duaro, tu
dichare sua, chüha. Chu tuhsu to manüno
cühure waha. To wachu ñüno tiro cühu
chüha.

Chũ tuhsũ noano masi bũo tiina waha,
"Suhti marieina jija mari," ni, ti basi
bũo tiha. Ā bũo tia tina pũri mehne ti
suhti cjihtire yoaha.

Ñamichahapũ Cohamacũ weseppure
Paraísopure tinino sũha. Tina tireore
tũho, cui, yucũri watoi duhtiha. Ā jiro
Cohamacũ pisuha mũnore.

—¿Nohopũ jijari mũhũ? niha tiro.

—Yũhũ suhti marieriro jija. Ā jicũ
mũhũre cuija, niha mũno.

To Ā nichũ Cohamacũ õ sehe ni
sinituha:

—¿Diro baro suhti marieriro mũ jichũ
masichũ yoari mũhũre? ¿Yũ chũ dutieradũ
dichare chũri mũhũ? niha Cohamacũ.

To Ā nichũ mũno õ sehe ni yũhtiha:

—Numino yũhũre mũ waricoro tũ
dichare sua, wahre yũhũre. To Ā wachũ
chũhi, niha mũno.

To Ā nichũ numinore õ sehe niha:

—¿Ne, dohse yoari mũhũ? niha
Cohamacũ numinore.

—Pinono mahũore yũhũre. Ā jico to
mahũochũ tũhoco, chũhti yũhũ, niha ticoro.

To Ā nichũ õ sehe niha pinonore:

—Mũhũ Ā ñano yoachũ yoariro jicũ,

ñano yũdũriro tjuaihca mũhũ mipũre, niha Cohamacũ pinonore.

—Dachoripe chihchõ tiniriro jiihca mũhũ. Dachoripe dihtare chũcũhca mũhũ. Mũhũ pinono numino mehne, to macũno mehne cahma ñũ tuhtiina jinahca, niha Cohamacũ pinonore.

Ã ni tuhsũ õ sehe niha numinore:

—Mũhũ pohna tico, ñano yũhdũcohca. Mũhũre tuaro purĩnohca. Ã ñano yũhdũpacõhta yũhdũ witicohca mũhũ. Mũno mũ pũhtoro jirohca, niha Cohamacũ numinore.

Ã ni tuhsũ mũnore õ sehe niha:

—Mũhũ yũhũre yũhdũrucari jihre. "Chũi tjiga," nimahi mũhũre. Yũ ã nipachũta yũhũre yũhdũrucari jihre. Mũ ã yoari buhiri mũ wese ñano diarohca. Mũhũ wesepũre tuaro dahrarucũhca. Mũ pjacũre dihta mehne yoahi. Ã jiro mũ yariachũ mũ pjacũ dihta tjuarohca, niha Cohamacũ mũnore.

Ã jiro numino jipihtina masa pocoro
jiha. To ã jichu Adão titorore Eva
wamoaha. Ã jiro Cohamacu wahiquina
cahsari mehne ti suhti cjihtire yoaha. Ã
jiro ti ñano yoari buhiri Paraísopu
jirinare cohã wionocaha tinare.

Es propiedad © 1986
Los derechos reservados por Nathan E. Waltz.

1ª edición

ISBN 0-88312-881-0



SOCIEDAD BÍBLICA
INTERNACIONAL

LAS SAGRADAS ESCRITURAS PARA TODOS

Resumen del Antiguo Testamento en guanano

IMPRESO EN COLOMBIA
BUENA SEMILLA
Apartado 29724
Bogotá, Colombia

500

1987